Bards in the Bog

Seamaa's Breakfast

He comes ivery mornin, acid yalla beak crossed in concentration, lookin for the best place. Settles oan tap o the grassy bank ootside ma windae.

Ah shout at him, that the good bit is twa feet doon, far aa the juicy worms bide. But he taks nae notice, twa feet blurrin lik a magician's hauns. Drummin hard tae mesmerise ony worms intae showin themsels.

Fit he's niver jaloused, though, a weel kent fact tae the resident guerrillas, is that fifty yards awa, lies easy pickens. Half chawed fish. Chips and breid. Greasy dauds o burger. A hale bin fu o booty.

Ah think he maan be a tourist.

Sheila Templeton

The Poet Partner project is putting poetry in toilets. Learn more at: **WWW.Shetland-library.gov.uk**







Shetland Islands Council